



SLUŽBENE NOVINE OPĆINE KAKANJ

IZDAVAČ:
Općina Kakanj
GODINA XXX

Broj 6/26
Datum: 02.04.2026.
Akti: 69-84.

GRAFIČKA PRIPREMA I ŠTAMPA:
STRUČNA SLUŽBA ZA POSLOVE
OPĆINSKOG VIJEĆA

69.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
OPĆINSKO VIJEĆE**

Broj: 01/1-16-89/26

Kakanj, 31.03.2026. godine

Na osnovu člana 2. Zakona o osnovama sigurnosti saobraćaja na putevima u Bosni i Hercegovini („Službeni glasnik Bosne i Hercegovine“, broj: 6/06, 75/06, 44/07, 84/09, 48/10, 48/10, 18/13, 8/17, 89/17, 9/18, 46/23 i 88/23), člana 2. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. stav (1) tačka 2. i člana 117. stav (2) Statuta Općine Kakanj („Službene novine Općine Kakanj“, broj: 4/08), a u skladu sa članom 4. i 8. Zakona o prekršajima Bosne i Hercegovine („Službeni glasnik Bosne i Hercegovine“, broj: 41/07, 18/12, 36/14, 81/15 i 65/20) i članom 12. Zakona o prekršajima Federacije Bosne i Hercegovine („Službene novine Federacije BiH“, broj: 63/14 i „Službeni glasnik Bosne i Hercegovine“, broj: 41/22 - odluka Ustavnog suda BiH, 68/22 - odluka Ustavnog suda BiH i 19/25), te člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 16. redovnoj sjednici, održanoj dana 31.03.2026. godine donijelo je

ODLUKU

o uslovima korištenja električnih romobila i njima sličnih pomoćnih prevoznih sredstava u saobraćaju

Član 1.

Ovom Odlukom uređuju se uslovi i način korištenja električnih romobila i njima sličnih pomoćnih prevoznih sredstava na lokalnim i nekategorisanim (nerazvrstanim) cestama općine Kakanj, javnim površinama (trotoar, plato, dvorište javnih ustanova ili javnih preduzeća, druge javne i zelene površine) i ulicama u gradu u cilju sigurnosti učesnika u saobraćaju, pješaka i zaštite javnog interesa.

Član 2.

Električni romobil (u daljem tekstu: romobil), u smislu ove Odluke, jeste lično – pomoćno prevozno sredstvo sa jednim ili više točkova, pogonjeno električnim motorom koje može ili ne mora imati sjedište.

Pomoćnim prevoznim sredstvima u smislu ove Odluke koja su slična romobilu, smatraju se sve vrste skateboarda, hoverboarda, monocikla i sl. koji su pogonjeni električnim motorom.

Električnim romobilom ne smatraju se električna pomagala za invalidne osobe, bez obzira na izgled, broj točkova i snagu motora.

Električnim romobilom ne smatraju se električni skuteri (motori-motocikli) u bilo kojem obliku koji imaju obavezu registracije i električni akumulatorski tročetini, autići i sl. koji se smatraju dječijim igračkama.

Lice koje upravlja električnim romobilom – vozač – korisnik je svaka fizička osoba koja koristi i trenutno posjeduje električni romobil bez obzira na vlasništvo.

Konstruisano opterećenje je najveće dozvoljeno opterećenje koje površina električnog romobila može izdržati u skladu sa tehničkom dokumentacijom i standardima koje je propisao proizvođač.

Učestalim činjenjem prekršaja smatra se posjedovanje najmanje tri pravosnažno izrečene novčane kazne za isti ili sličan prekršaj iz ove Odluke od strane lica koje upravlja električnim romobilom ili lica koja su navedena u članu 6. stav (1) ove Odluke.

Član 3.

Romobilom se u pravilu kreće biciklističkim stazama i trakama.

Lice koje upravlja romobilom dužno je prilagoditi model vožnje romobila dozvoljenoj brzini u saobraćaju i isto na zahtjev ovlaštenog službenog lica dokazati uvidom u programski displej i konstrukcione podatke za romobil.

Ako se romobil kreće po kolovozu, ukoliko ne postoji biciklistička staza ili traka, vozač romobila dužan je sa romobilom kretati se što bliže desnoj ivici kolovoza (asfaltnog zastora) u smjeru kretanja električnog romobila i poštovati saobraćajne propise.

Član 4.

Licu koje upravlja romobilom zabranjeno je:

1. vožnja romobila ako je mlađi od 14 godina;
2. vožnja po trotoaru i pješačkim stazama, kada je lice koje koristi romobil dužno da isti gura pored sebe ili da podesi model vožnje romobila na brzinu maksimalno 6 km/h;
3. vožnja romobila u školskim dvorištima u vremenu izvođenja nastave kada je lice koje koristi romobil dužno da isti gura pored sebe;
4. vožnja pod uticajem alkohola i/ili opojnih droga i/ili psihotropnih supstanci;
5. korištenje električnog romobila bez ispravnog prednjeg bijelog i zadnjeg crvenog svjetla;
6. prevoz drugih lica;
7. vožnja romobila ako se na njemu nalaze predmeti koji u ukupnoj masi računajući i korisnika romobila prelaze maksimalno dozvoljenu konstrukcionu masu i/ili u bitnoj mjeri umanjuju stabilnost romobila, a naročito predmeti koji su širi ili viši za 0,80 cm od širine ili visine romobila mjereno od najisturenijeg dijela sa obje strane ili najvišeg dijela romobila, osim ako se romobil ne gura pored sebe;
8. držanje u jednoj ili obje ruke mobilnih telefona i sličnih uređaja i upotreba slušalica na oba uha;
9. da vuče ili bude vučen drugim električnim romobilom, biciklom ili motornim vozilom;
10. da ispušta upravljač iz ruku osim kada najavljuje promjenu smjera kretanja, ukoliko na romobilu nema pokazivača pravca.

Član 5.

Vozač romobila je prilikom vožnje dužan:

1. pridržavati se saobraćajnih propisa i pravila;
2. izbjegavati ugrožavanje drugih učesnika u saobraćaju ili pješaka, naročito naglim skretanjima – promjenama pravca, krivudanjima, vijuganjima između vozila ili pješaka, vožnjom bez držanja odstojanja od drugih učesnika u saobraćaju, vozača romobila, biciklista ili pješaka, prolazak između dvije kolovozne trake ili vozila u slučaju zastoja ili drugom slučaju, skakanje i druge zabranjene radnje predviđene Zakonom o osnovama sigurnosti saobraćaja na putevima u BiH;
3. voziti se jedan iza drugog ako se voze u grupi;
4. da gura romobil pored sebe prilikom prelaska preko pješačkog prelaza, ukoliko se na pješačkom prelazu nalaze pješaci;
5. nositi zaštitnu kacigu zakopčanu na glavi;
6. upaliti svjetla (prednje bijelo, a zadnje crveno, osim ako je fabričko podešavanje drugačije) na romobilu u vremenu od prvog sumraka do

prvog svitanja. Ako na romobilu nema ugrađenih svjetala dužan je koristiti reflektirajući prsluk, trake ili druge adekvatne – uočljive reflektirajuće predmete u vremenu od prvog sumraka do prvog svitanja, te u uslovima smanjene vidljivosti (magla, kiša i dr. vremenske neprilike);

7. koristiti ispravan romobil i isti održavati u ispravnom stanju što podrazumijeva: ispravan kočioni sistem, ispravna svjetla i pokazivače pravca ukoliko su isti postavljeni i ispravno štop (kočiono/stražnje) svjetlo;
8. kod sebe u pisanoj ili elektronskoj – digitalnoj formi posjedovati podatke o konstrukcionom opisu romobila (tehnički opis, dimenzije, nosivost, radna snaga i dr.), te iste predložiti policijskom službeniku na uvid. Podaci se mogu posjedovati i putem registrovane web aplikacije za kontrolu romobila.

Član 6.

Ako je učinilac prekršaja maloljetno lice koje nije prekršajno odgovorno za prekršaj će odgovarati roditelj ili staratelj, odnosno usvojitelj maloljetnika kao da je prekršaj sam učinio ukoliko je propustio dužnost nadzora nad maloljetnikom, a takav nadzor je bio u mogućnosti da vrši.

Za svu štetu koju počini lice koje upravlja električnim romobilom čineći prekršaje iz ove Odluke oštećena strana će istu potraživati putem nadležnog suda u skladu sa Zakonom o obligacionim odnosima FBiH.

Član 7.

Novčanom kaznom u iznosu od 80,00 KM do 300,00 KM kaznit će se za prekršaj lice koje ne postupi ili postupi suprotno članu 3. ove Odluke.

Novčanom kaznom u iznosu od 60,00 KM do 300,00 KM kaznit će se za prekršaj lice koje ne postupi ili postupi suprotno članu 4. stav (1) tačka 2.,3.,5.,6.,7.,8.,9.,10. i članu 5. stav (1) tačka 2. do 8. ove Odluke.

Novčanom kaznom u iznosu od 100,00 KM do 500,00 KM kaznit će se za prekršaj lice koje postupi suprotno članu 4. stav 1. tačka 1., i 4. i članu 5. stav 1. tačka 1. Ove Odluke.

Novčane kazne izrečene po ovoj Odluci prihod su Općine Kakanj.

Član 8.

Nadzor nad provođenjem ove Odluke vrši Policijska stanica Kakanj.

Član 9.

Određbe ove Odluke primjenjivat će se do stupanja na snagu odredbi Zakona o osnovama sigurnosti saobraćaja Bosne i Hercegovine kojima će biti regulisano korištenje električnih romobila, nakon čega će se primjenjivati odredbe tog Zakona.

Član 10.

Ova Odluka stupa na snagu danom objavljivanja u „Službenim novinama Općine Kakanj“, a primjenjuje se 30 dana od dana stupanja na snagu.

Od dana stupanja na snagu ove Odluke, pa do njene primjene nadležna Policijska stanica Kakanj će vršiti preventivni i korektivni nadzor.

**PREDSJEDAVAJUĆI
OPĆINSKOG VIJEĆA**
Slaven Katičić, sr.

70.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
OPĆINSKO VIJEĆE**

Broj: 01/1-16-90/26

Kakanj, 31.03.2026. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08) i člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), a u skladu sa Programom utroška sredstava iz Budžeta Općine Kakanj za podsticaj razvoja poduzetništva i obrta za 2026. godinu („Službene novine Općine Kakanj“, broj: 4/26), Općinsko vijeće na 16. redovnoj sjednici, održanoj dana 31.03.2026. godine, donijelo je

ODLUKU

**o utvrđivanju kriterija, načina obračuna, postupka
dodjele, potrebne dokumentacije i obaveza
korisnika finansijske podrške za obavljanje
djelatnosti od društvene koristi – javni prijevoz
putnika za 2026. godinu**

Član 1.**(Predmet)**

- (1) Ovom Odlukom utvrđuju se kriteriji, način obračuna, postupak dodjele, potrebna dokumentacija, obaveze korisnika finansijske podrške (u daljem tekstu: finansijska podrška) za pružanje usluga redovnog autobusnog linijskog prijevoza putnika na registrovanim redovima vožnje na području općine Kakanj za 2026. godinu, te način izvještavanja i praćenje utroška sredstava.
- (2) Finansijska podrška dodjeljuju se pravnim licima iz sektora javnog cestovnog prijevoza putnika koji imaju registrovane redove vožnje za javni linijski prijevoz putnika na općinskim autobusnim linijama na području općine Kakanj.

- (3) Podsticajna sredstva odnose se na održavanje sljedećih autobusnih linija (oba smjera):

1. Kakanj „AS“ – Tršće;
2. Kakanj „AS“ – Desetnik;
3. Kakanj „AS“ – Haljinići;
4. Kakanj „AS“ – Kučići;
5. Podborje – Kakanj „AS“;
6. Kakanj „AS“ – Donji Kakanj (Škola) – Bilješevo „R“.

Član 2.**(Cilj dodjele finansijske podrške)**

Cilj ove Odluke je očuvanje radnih mjesta kod prijevoznika i osiguranje kontinuiteta obavljanja djelatnosti javnog prijevoza putnika kroz dodjelu finansijske podrške.

Član 3.**(Finansijska podrška)**

- (1) Finansijska podrška u iznosu 200.000,00 KM (dvijestotinehiljada i 00/100 konvertibilnihmaraka), za provođenje i realizaciju ove Odluke osigurana je u Programu utroška sredstava iz Budžeta Općine Kakanj za podsticaj razvoja poduzetništva i obrta za 2026. godinu („Službene novine Općine Kakanj“, broj: 4/26), pozicija: „Sufinansiranje troškova djelatnosti od društvene koristi (Javni prijevoz putnika).
- (2) Finansijska podrška iz stava (1) ovog člana bit će uplaćena na račun korisnika podsticaja koji ispunjavaju uslove i kriterije propisane ovom Odlukom i Javnim pozivom, te koji zaključče Ugovor sa Općinom Kakanj.

Član 4.**(Uslovi za ostvarivanje finansijske podrške)**

Korisnici finansijske podrške su pravna lica iz sektora javnog cestovnog prijevoza putnika koji ispunjavaju sljedeće uslove:

- obavljaju registrovanu djelatnost u sektoru javnog cestovnog prijevoza putnika na području općine Kakanj;
- imaju poslovno sjedište na području općine Kakanj;
- imaju izmirene obaveze po osnovu direktnih i indirektnih poreza i doprinosa zaključno sa 31.12.2025. godine;
- imaju registrovane redove vožnje za linijski prijevoz putnika na općinskim autobusnim linijama na području općine Kakanj za registracioni period 2025-2028. godina.

Član 5.**(Kriteriji za dodjelu finansijske podrške)**

- (1) Finansijska podrška obračunava se na osnovu troškova autodana u ukupnim operativnim troškovima prijevoznika.

- (2) Trošak autodana je u direktnoj relaciji sa dužinom linije - veća udaljenost, veći procenat učešća.
- (3) Iznosi podsticajnih sredstava po linijama:
1. Kakanj „AS“ – Tršće..... 20% troškova autodana
 2. Kakanj „AS“ – Desetnik.. 20% troškova autodana
 3. Kakanj „AS“ – Haljinići... 20% troškova autodana
 4. Kakanj „AS“ – Kučići..... 20% troškova autodana
 5. Podborje – Kakanj „AS“.. 30% troškova autodana
 6. Kakanj „AS“ – Donji Kakanj – Bilješevo „R“- 20% troškova autodana
- (4) Na bazi izvršene analize i operativnih troškova, kao i analiza prijevoznika referentna cijena autodana za linije pod brojevima 1.,2.,3.,4. i 6. iz stava (3) ovog člana iznosi 525,00 KM (prosjeck cijena po linijama koje se kreću od 515,00 KM do 540,00 KM) i 880,00 KM za liniju pod brojem 5. iz stava (3) ovog člana.
- (5) Ukupan iznos dodijeljenih sredstava obračunava se množenjem procenta troškova autodana sa ukupnim brojem voženih autodana u 2026. godini.

Član 6.

(Namjena finansijske podrške)

Odobrena finansijska podrška može se koristiti isključivo za plaćanje tekućih troškova poslovanja za tekuću budžetsku godinu, a koji su direktno povezani sa obavljanjem registrovanog javnog linijskog prijevoza putnika na području općine Kakanj.

Član 7.

(Javni poziv)

- (1) Služba za privredu, urbanizam i zaštitu okoline općine Kakanj, će putem Općinskog načelnika, u roku od petnaest (15) dana od dana stupanja na snagu ove Odluke objaviti Javni poziv za podnošenje prijave za dodjelu finansijske podrške.
- (2) Javni poziv objavljuje se na zvaničnoj internet stranici i oglasnoj ploči Općine Kakanj.
- (3) Javni poziv ostaje otvoren petnaest (15) dana od dana objavljivanja.

Član 8.

(Komisija za provođenje javnog poziva i postupka dodjele sredstava)

- (1) Komisiju za provođenje Javnog poziva i postupka dodjele sredstava (u daljem tekstu: Komisija) rješenjem imenuje Općinski načelnik.
- (2) Zadatak Komisije je:
 - evidentiranje prijave,
 - provjera formalno-pravnih uslova,
 - ocjena ispunjenosti kriterija,
 - utvrđivanje liste korisnika sa iznosima sredstava,
 - podnošenje Izvještaja o radu Općinskom načelniku.

Član 9.

(Potrebna dokumentacija za prijavu)

- (1) Uz popunjenu i ovjerenu prijavu, podnosilac je dužan priložiti sljedeću dokumentaciju (original ili ovjerenu kopiju):

- Prijava se dostavlja u zatvorenoj i zapečaćenoj koverti na protokol Općine Kakanj ili aktuelni izvod iz sudskog registra kojim su obuhvaćene sve izmjene u sudskom registru;
- uvjerenje o poreznoj registraciji (ID broj);
- uvjerenje o PDV broju, ukoliko je podnosilac zahtjeva PDV obveznik;
- potpisanu i ovjerenu izjavu da nije pokrenut postupak povrata budžetskih sredstava;
- potpisanu i ovjerenu izjavu da podnosilac zahtjeva nije pod stečajem niti u postupku likvidacije;
- izjavu da je bankovni račun aktivan;
- spisak registrovanih redova vožnje (Prilog 4 Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra) ovjeren kod nadležnog organa za ovjeru dokumenata koji sadrži popis svih registrovanih redova vožnje, nazive linija i kooperanata sa kojim iste održava, broj polazaka i povrataka razvrstanih po rangu linije i organu koji je izvršio registraciju reda vožnje, osim međunarodnih redova vožnje;
- uvjerenje o izmirenim poreznim obavezama zaključno sa 31.12.2025. godine;
- ovjerenu izjavu da podnosilac zahtjeva neće smanjivati broj radnika u narednih 12 mjeseci (ovjerena kod nadležnog organa).

- (2) Prijava se dostavlja u zatvorenoj i zapečaćenoj koverti na protokol Općine Kakanj ili putem pošte na adresu: Ulica branilaca 1, 72240 Kakanj, sa naznakom:

PRIJAVA NA JAVNI POZIV ZA DODJELU FINANSIJSKE PODRŠKE DJELATNOSTIMA OD DRUŠTVENE KORISTI – JAVNI PRIJEVOZ PUTNIKA - „OTVARA KOMISIJA“

Član 10.

(Odluka o dodjeli finansijske podrške)

Komisija za provođenje postupka dostavlja Općinskom načelniku Prijedlog potencijalne liste korisnika finansijske podrške, na koju podnosioci zahtjeva mogu uložiti prigovor Komisiji u roku od 8 dana od dana prijema Odluke. Nakon razmatranja podnesenih prigovora Općinski načelnik donosi konačnu odluku o dodjeli podsticajnih sredstava.

Član 11.

(Ugovor)

Sa odabranim korisnicima finansijske podrške Općina Kakanj zaključuje Ugovor kojim će se regulisati međusobna prava i obaveze ugovornih strana.

Član 12.

(Nadzor)

Nadležna služba Općine Kakanj vrši nadzor nad zakonitim i namjenskim korištenjem sredstava na osnovu dostavljenih izvještaja i prateće dokumentacije.

Član 13.**(Stupanje na snagu)**

Ova Odluka stupa na snagu danom donošenja, a biće objavljena u „Službenim novima Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić, sr.

71.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON**

**OPĆINA KAKANJ
OPĆINSKO VIJEĆE**

Broj: 01/1-16-91/26

Kakanj, 31.03.2026. godine

Na osnovu člana 66. Zakona o građevinskom zemljištu („Službene novine Federacije BiH”, broj: 25/03 i 67/05), člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH”, broj: 49/06 i 51/09), te člana 24. Statuta Općine Kakanj („Službene novine Općine Kakanj”, broj: 4/08) i člana 94. Poslovnika o radu Općinskog vijeća („Službene novine Općine Kakanj”, broj: 6/11, 4/16 i 6/16), Općinsko vijeće na 16. redovnoj sjednici, održanoj dana 31.03.2026. godine, donijelo je

O D L U K U

o visini prosječne konačne građevinske cijene iz prethodne godine po m² korisne stambene površine na području općine Kakanj

Član 1.

Ovom Odlukom određuje se visina prosječne konačne građevinske cijene iz prethodne godine (2025. godine) po 1m² korisne stambene površine na području općine Kakanj.

Član 2.

Utvrdjuje se prosječna konačna građevinska cijena iz 2025. godine po 1m² korisne stambene površine u iznosu od 1.304,00 KM.

Prosječna konačna građevinska cijena iz prethodnog stava valorizuje se u toku godine svaka tri mjeseca na osnovu indeksa rasta cijena građevinskih radova u visokogradnji i niskogradnji po sumarnoj metodologiji i podacima koje objavljuje Zavod za statistiku.

Član 3.

Cijena navedena u prethodnom članu služiti će kao osnovica za izračunavanje visine rente (pogodnost) i naknade za uređenje gradskog građevinskog zemljišta i građevinskog zemljišta na području općine Kakanj.

Član 4.

Stupanjem na snagu ove Odluke prestaje da važi Odluka o visini prosječne konačne građevinske cijene 1m² korisne stambene površine, broj: 01/1-4-63/25 od 27.02.2025. godine („Službene novine Općine Kakanj”, broj: 3/25).

Član 5.

Ako je upravni postupak pokrenut pred nadležnim organom do dana stupanja na snagu ove Odluke, u kojem se određuje visina i način plaćanja naknada na osnovu Odluke o građevinskom zemljištu-prečišćeni tekst („Službene novine Općine Kakanj”, broj: 8/13 i 12/13), a do tog dana nije doneseno prvostepeno rješenje, postupak će se nastaviti i donijeti rješenje prema odredbama ove Odluke.

Član 6.

Ova Odluka stupa na snagu danom donošenja, a biće objavljena u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**

Slaven Katičić, sr.

72.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON**

**OPĆINA KAKANJ
OPĆINSKO VIJEĆE**

Broj: 01/1-16-92/26

Kakanj, 31.03.2026. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH”, broj: 49/06 i 51/09), člana 24. stav (1) tačka 14) Statuta Općine Kakanj („Službene novine Općine Kakanj”, broj: 4/08), člana 5. Odluke o dodjeli petnaestoaprilskih priznanja („Službene novine Općine Kakanj”, broj: 9/11, 5/16, 2/22 i 5/25) i člana 94. Poslovnika o radu Općinskog vijeća („Službene novine Općine Kakanj”, broj: 6/11, 4/16 i 6/16), Općinsko vijeće na 16. redovnoj sjednici, održanoj dana 31.03.2026. godine, donijelo je

O D L U K U

o dodjeli Petnaestoaprilskih priznanja za 2026. godinu

Član 1.

Povodom 15. aprila – Dana općine Kakanj za 2026. godinu, dodjeljuju se sljedeća Petnaestoaprilska priznanja:

A) GRB OPĆINE KAKANJ

„Grb Općine Kakanj“ se dodjeljuje:

Mirnesu Bajtareviću

za ostvarene uspjehe u vođenju Općine Kakanj u mandatnim periodima 2020-2024 i 2024-2028, za privrednu i kulturnu afirmaciju i promociju općine Kakanj, za infrastrukturno unapređenje općine Kakanj i za unapređenje uslova života građana općine Kakanj.

B) PLAKETA SA DIPLOMOM

1. „Plaketa sa diplomom“ se dodjeljuje:

Senki Balorda

za postignute uspjehe u radu i rezultate rada koji su imali višedecenijski značaj za unapređenje zdravstvene zaštite građana općine Kakanj.

2. „Plaketa sa diplomom“ se dodjeljuje:

JU Centar za socijalni rad Kakanj

za unapređenje kvaliteta života građana pružanjem usluga u oblasti socijalne zaštite, savjetodavnom radu, zaštiti porodice i djece i za kontinuiran rad na uspostavljanju socijalne stabilnosti općine Kakanj.

C) ZAHVALNICA

1. „Zahvalnica“ se dodjeljuje:

Ljubi Šarac

za unapređenje položaja lica starije životne dobi i jačanje međusobne solidarnosti u društvenom životu lokalne zajednice.

2. „Zahvalnica“ se dodjeljuje:

Nailu Begiću

za unapređenje životnih uslova mještana MZ Seoce i jačanje međusobne solidarnosti u društvenom životu lokalne zajednice.

3. „Zahvalnica“ se dodjeljuje:

Neformalnoj grupi građana „Kilometar života“

za izuzetan doprinos u afirmaciji humanitarnog i dobrotvornog rada kao i značajan angažman u inkluziji osoba sa invaliditetom u javni život lokalne zajednice.

Član 2.

Petnaestoaprilska priznanja uručit će se dobitnicima na svečanosti povodom obilježavanja „15. aprila – Dana općine Kakanj“.

Član 3.

Ova Odluka stupa na snagu danom donošenja, a biće objavljena u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić, sr.

73.

BOSNA I HERCEGOVINA

FEDERACIJA BOSNE I HERCEGOVINE

ZENIČKO – DOBOJSKI KANTON

OPĆINA KAKANJ

OPĆINSKO VIJEĆE

Broj: 01/1-16-93/26

Kakanj, 31.03.2026. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08), te člana 9. Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj: 104/22) i člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 16. redovnoj sjednici, održanoj dana 31.03.2026. godine, donijelo je

ODLUKU

**o davanju saglasnosti na Pravilnik o vlastitim
prihodima Općine Kakanj**

Član 1.

Ovom Odlukom daje se saglasnost na Pravilnik o vlastitim prihodima Općine Kakanj, broj: 02/1-2124/26od 19.03.2026. godine.

Član 2.

Sastavni dio ove Odluke je Pravilnik o vlastitim prihodima Općine Kakanj, broj: 02/1-2124/26od 19.03.2026. godine.

Član 3.

Ova Odluka stupa na snagu danom donošenja, a biće objavljena u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić, sr.

74.

BOSNA I HERCEGOVINA

FEDERACIJA BOSNE I HERCEGOVINE

ZENIČKO – DOBOJSKI KANTON

OPĆINA KAKANJ

OPĆINSKO VIJEĆE

Broj: 01/1-16-95/26

Kakanj, 31.03.2026. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 24. Statuta Općine Kakanj

(„Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 16. redovnoj sjednici, održanoj dana 31.03.2026. godine, donijelo je

Z A K L J U Č A K
o usvajanju Izvještaja o finansijskoj reviziji Općine Kakanj u 2024. godini od strane Ureda za reviziju institucija Federacije BiH i Akcionog plana za provođenje prihvaćenih preporuka za 2024. godinu

Član 1.

Ovim Zaključkom usvaja se Izvještaj o finansijskoj reviziji Općine Kakanj u 2024. godini od strane Ureda za reviziju institucija Federacije BiH i Akcioni plan za provođenje prihvaćenih preporuka za 2024. godinu.

Član 2.

Sastavni dio ovog Zaključka je Izvještaj o finansijskoj reviziji Općine Kakanj u 2024. godini Ureda za reviziju institucija Federacije BiH, broj: 01-02-07-11-2-3298-7/24 od septembra 2025. godine i Akcioni plan za provođenje prihvaćenih preporuka za 2024. godinu, broj: 02/1-8775/25 od 26.11.2025. godine.

Član 3.

Ovaj Zaključak stupa na snagu danom donošenja, a bit će objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić, sr.

75.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
OPĆINSKO VIJEĆE**
Broj: 01/1-16-94/26
Kakanj, 31.03.2026. godine

Na osnovu člana 71. stav (4) Zakona o dugu, zaduživanju i garancijama u Federaciji Bosne i Hercegovine („Službene novine Federacije Bosne i Hercegovine“, broj: 45/25), člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), te člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 16. redovnoj sjednici, održanoj dana 31.03.2026. godine, donijelo je

Z A K L J U Č A K
o prihvatanju Godišnjeg izvještaja o stanju duga, zaduživanju i datim garancijama za period 01.01-31.12.2025. godine

Član 1.

Ovim Zaključkom prihvata se Godišnji izvještaj o stanju duga, zaduživanju i datim garancijama za period 01.01-31.12.2025. godine.

Član 2.

Sastavni dio ovog Zaključka je Godišnji izvještaj o stanju duga, zaduživanju i datim garancijama za period 01.01-31.12.2025. godine, od marta 2026. godine.

Član 3.

Ovaj Zaključak stupa na snagu danom donošenja, a biće objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić, sr.

76.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
OPĆINSKO VIJEĆE**
Broj: 01/1-16-96/26
Kakanj, 31.03.2026. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 24. i 45. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 16. redovnoj sjednici, održanoj dana 31.03.2026. godine, donijelo je

Z A K L J U Č A K
o prihvatanju Izvještaja o ostvarivanju politike jedinice lokalne samouprave i aktivnostima Općinskog načelnika za 2025. godinu

Član 1.

Ovim Zaključkom prihvata se Izvještaj o ostvarivanju politike jedinice lokalne samouprave i aktivnostima Općinskog načelnika za 2025. godinu.

Član 2.

Sastavni dio ovog Zaključka je Izvještaj o ostvarivanju politike jedinice lokalne samouprave i aktivnostima Općinskog načelnika za 2025. godinu, broj: 02/1-2189/26 od 19.03.2026. godine.

Član 3.

Ovaj Zaključak stupa na snagu danom donošenja, a biće objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić,sr.

77.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
OPĆINSKO VIJEĆE**

Broj: 01/1-16-97/26

Kakanj, 31.03.2026. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 50. Zakona o pravobranilaštvu („Službene novine Zeničko-dobojskog kantona“, broj: 12/13), člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), Općinsko vijeće na 16. redovnoj sjednici, održanoj dana 31.03.2026. godine, donijelo je

**ZAKLJUČAK
o prihvatanju Izvještaja o radu Općinskog
pravobranilaštva
za 2025. godinu**

Član 1.

Ovim Zaključkom prihvata se Izvještaj o radu Općinskog pravobranilaštva za period 01.01-31.12.2025. godine.

Član 2.

Sastavni dio ovog Zaključka je Izvještaj o radu Općinskog pravobranilaštva za period 01.01-31.12.2025. godine, broj: UP-6/26 od 18.03.2026. godine.

Član 3.

Ovaj Zaključak stupa na snagu danom donošenja, a biće objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić,sr.

78.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
OPĆINSKO VIJEĆE**

Broj: 01/1-16-98/26

Kakanj, 31.03.2026. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), a vezi sa članom 31. Pravila JU „Kulturno-sportski centar“ („Službene novine Općine Kakanj“, broj: 6/19), Općinsko vijeće na 16. redovnoj sjednici, održanoj dana 31.03.2026. godine, donijelo je

**ZAKLJUČAK
o prihvatanju Izvještaja o radu sa finansijskim
izvještajem za 2025. godinu
JU „Kulturno-sportski centar“ Kakanj**

Član 1.

Ovim Zaključkom prihvata se Izvještaj o radu sa finansijskim izvještajem za 2025. godinu Javne ustanove „Kulturno-sportski centar“ Kakanj.

Član 2.

Sastavni dio ovog Zaključka je Izvještaj o radu sa finansijskim izvještajem za 2025. godinu Javne ustanove „Kulturno-sportski centar“ Kakanj, broj: 219/2026 od 13.03.2026. godine.

Član 3.

Ovaj Zaključak stupa na snagu danom donošenja, a biće objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić,sr.

79.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
OPĆINSKO VIJEĆE**

Broj: 01/1-16-99/26

Kakanj, 31.03.2026. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i

51/09), člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), a vezi sa članom 31. Pravila JU „Kulturno-sportski centar“ („Službene novine Općine Kakanj“, broj: 6/19), Općinsko vijeće na 16. redovnoj sjednici, održanoj dana 31.03.2026. godine, donijelo je

ZAKLJUČAK

o davanju saglasnosti na Program rada sa finansijskim planom za 2026. godinu JU „Kulturno-sportski centar“ Kakanj

Član 1.

Ovim Zaključkom daje se saglasnost na Program rada sa finansijskim planom za 2026. godinu Javne ustanove „Kulturno-sportski centar“ Kakanj.

Član 2.

Sastavni dio ovog Zaključka je Program rada sa finansijskim planom za 2026. godinu Javne ustanove „Kulturno-sportski centar“ Kakanj, broj: 221/2026 od 13.03.2026. godine.

Član 3.

Ovaj Zaključak stupa na snagu danom donošenja, a bit će objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić, sr.

80.

BOSNA I HERCEGOVINA FEDERACIJA BOSNE I HERCEGOVINE ZENIČKO – DOBOJSKI KANTON OPĆINA KAKANJ OPĆINSKO VIJEĆE

Broj: 01/1-16-100/26

Kakanj, 31.03.2026. godine

Na osnovu člana 71. stav (6) Zakona o turizmu („Službene novine Zeničko-dobojskog kantona“, broj: 12/22), člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), a u vezi sa članom 11. stav (7) Statuta Turističke zajednice Općine Kakanj („Službene novine Općine Kakanj“, broj: 1/25), Općinsko vijeće na 16. redovnoj sjednici, održanoj dana 31.03.2026. godine, donijelo je

ZAKLJUČAK

o usvajanju Godišnjeg izvještaja o radu Turističke zajednice Općine Kakanj sa finansijskim izvještajem za period juni-decembar 2025. godine

Član 1.

Ovim Zaključkom usvaja se Godišnji izvještaj o radu Turističke zajednice Općine Kakanj sa finansijskim izvještajem za period juni-decembar 2025. godine.

Član 2.

Sastavni dio ovog Zaključka je Godišnji izvještaj o radu Turističke zajednice Općine Kakanj sa finansijskim izvještajem za period juni-decembar 2025. godine, od marta 2026. godine.

Član 3.

Ovaj Zaključak stupa na snagu danom donošenja, a biće objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić, sr.

81.

BOSNA I HERCEGOVINA FEDERACIJA BOSNE I HERCEGOVINE ZENIČKO – DOBOJSKI KANTON OPĆINA KAKANJ OPĆINSKO VIJEĆE

Broj: 01/1-16-101/26

Kakanj, 31.03.2026. godine

Na osnovu člana 71. stav (6) Zakona o turizmu („Službene novine Zeničko-dobojskog kantona“, broj: 12/22), člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), a u vezi sa članom 11. stav (7) Statuta Turističke zajednice Općine Kakanj („Službene novine Općine Kakanj“, broj: 1/25), Općinsko vijeće na 16. redovnoj sjednici, održanoj dana 31.03.2026. godine, donijelo je

ZAKLJUČAK

o usvajanju Programa rada Turističke zajednice Općine Kakanj sa finansijskim planom za 2026. godinu

Član 1.

Ovim Zaključkom usvaja se Program rada Turističke zajednice Općine Kakanj sa finansijskim planom za 2026. godinu.

Član 2.

Sastavni dio ovog Zaključka je Program rada Turističke zajednice Općine Kakanj sa finansijskim planom za 2026. godinu, od marta 2026. godine.

Član 3.

Ovaj Zaključak stupa na snagu danom donošenja, a biće objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić,sr.

82.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
OPĆINSKO VIJEĆE**

Broj: 01/1-16-102/26

Kakanj, 31.03.2026. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11, 4/16 i 6/16), a u skladu sa članom 2. stav (2) Odluke o proglašenju Udruženja „Razvojni centar općine Kakanj“ udruženjem od posebnog interesa („Službene novine Općine Kakanj“, broj: 10/18 i 3/20), Općinsko vijeće na 16. redovnoj sjednici, održanoj dana 31.03.2026. godine, donijelo je

ZAKLJUČAK

**o primanju k znanju Informacije o radu Udruženja
„Razvojni centar općine Kakanj“ za period januar-
decembar 2025. godine**

Član 1.

Prima se k znanju Informacija o radu Udruženja „Razvojni centar općine Kakanj“ za period januar-decembar 2025. godine.

Član 2.

Sastavni dio Zaključka je Informacija o radu Udruženja „Razvojni centar općine Kakanj“ za period januar-decembar 2025. godine, broj: 01-027/26 od 27.02.2026. godine.

Član 3.

Ovaj Zaključak stupa na snagu danom donošenja, a biće objavljen u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić,sr.

83.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
OPĆINSKI NAČELNIK**

Broj: 02/1-1929/26

Kakanj, 11.03.2026. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), te člana 38. i 118. Statuta Općine Kakanj („Službene novine Općine Kakanj“, broj: 4/08), a u vezi sa članom 10. stav 1. tačka 4. Zakona o udruženjima i fondacijama („Službene novine Federacije BiH“, broj: 45/02), Općinski načelnik donosi

ODLUKU

**o davanju odobrenja osnivačima „Udruge
dragovoljaca i veterana domovinskog rata HVO-a
podružnica Kakanj“ za korištenje naziva općine
„Kakanj“**

I

Daje se odobrenje osnivačima „Udruge dragovoljaca i veterana domovinskog rata HVO-a podružnica Kakanj“ da u postupku registracije u naziv Udruženja unese naziv općine Kakanj, tako da naziv Udruge glasi: „Udruga dragovoljaca i veterana domovinskog rata HVO-a podružnica Kakanj“

II

Ova Odluka stupa na snagu danom donošenja i biće objavljena u „Službenim novinama Općine Kakanj“.

OPĆINSKI NAČELNIK
Mirnes Bajtarević,sr.

84.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA KAKANJ
OPĆINSKI NAČELNIK**

Broj: 02/1-2185/26

Kakanj, 23.03.2026. godine

Na osnovu člana 15. Zakona o principima lokalne samouprave u FBiH („Službene novine FBiH“ broj: 49/06 i 51/09) i člana 38. Statuta Općine Kakanj („Službene novine Općine Kakanj“, broj: 4/08), i

Akcionog plana društvene kohezije u zajednici Općine Kakanj za period od 2025-2028 („Službene novine Općine Kakanj“, broj: 13/25), Općinski načelnik donosi

P R O T O K O L
o postupanju općinskih organa uprave Općine Kakanj u slučajevima pojave incidenata motivisanih mržnjom

Član 1.

Ovim Protokolom, u skladu sa Akcionim planom društvene kohezije u zajednici općine Kakanj za period od 2025-2028, uređuje se postupanje općinskih organa uprave Općine Kakanj u slučajevima pojava incidenata motivisanih mržnjom na području općine Kakanj.

S ciljem da osigura kontinuiran i koordiniran odgovor na incidente motivisane mržnjom i predrasudama, Općina Kakanj će poticati sve građane i pravna lica sa sjedištem na području općine Kakanj, da sve incidente prijave nadležnoj policijskoj stanici, neposredno po saznanju o njihovom nastanku.

Sve službe Općine Kakanj, kao i javne ustanove i javna preduzeća čiji je osnivač Općina Kakanj, ovim Protokolom se obavezuju prijaviti policijskoj stanici svaki incident motivisan mržnjom i predrasudama.

Član 2.

Sve potrebne informacije o incidentima motivisanim mržnjom i predrasudama prikupljaju se od Policijske stanice Kakanj ili Službe za informisanje Ministarstva unutrašnjih poslova Zeničko-dobojskog kantona.

U slučaju da Općina Kakanj prva dobije informaciju o počinjenom incidentu, o istom informiše Policijsku stanicu Kakanj.

Državni službenik za informisanje javnosti u Općini Kakanj, (u daljem tekstu: službenik za informisanje) nadležan je za gore opisani protok informacija ispred Općine Kakanj.

Službenik za informisanje obavezan je da dijeli informacije o počinjenom incidentu sa svim službama Općine Kakanj, te u konsultaciji s njima izrađuje se nacrt javnog saopćenja osude počinjenog incidenta.

Član 3.

Općinski načelnik uzima na uvid tekst javnog saopćenja, potvrđuje ga i autorizira, te ovlašćuje službenika za informisanje da objavi saopćenje o počinjenom incidentu.

Saopćenje se objavljuje na službenoj internet stranici i oglasnoj ploči Općine Kakanj, dostavlja se medijima, web-portalima i svim javnim ustanovama i javnim preduzećima čiji je osnivač Općina Kakanj.

Član 4.

Javno saopćenje o počinjenom incidentu objavit će se najkasnije 72 sata od prijave incidenta.

Član 5.

Za realizaciju ovog Protokola zadužuje se Stručna služba zua poslove Općinskog načelnika.

Član 6.

Ovaj Protokol stupa na snagu danom donošenja i objavit će se na službenoj stranici Općine Kakanj i „Službenim novinama Općine Kakanj“.

OPĆINSKI NAČELNIK
Mirnes Bajtarević, sr.

S A D R Ź A J
„Službenih novina Općine Kakanj“ 6/26

69. Odluka o uslovima korištenja električnih romobila i njima sličnih pomoćnih prevoznih sredstava u saobraćaju.....	1
70. Odluka o utvrđivanju kriterija, načina obračuna, postupka dodjele, potrebne dokumentacije i obaveza korisnika finansijske podrške za obavljanje djelatnosti od društvene koristi – javni prijevoz putnika za 2026. godinu	3
71. Odluka o visini prosječne konačne građevinske cijene iz prethodne godine po m ² korisne stambene površine na području općine Kakanj	5
72. Odluka o dodjeli Petnaestoaprilskih priznanja za 2026. godinu	5
73. Odluka o davanju saglasnosti na Pravilnik o vlastitim prihodima Općine Kakanj	6
74. Zaključak o usvajanju Izvještaja o finansijskoj reviziji Općine Kakanj u 2024. godini od strane Ureda za reviziju institucija Federacije BiH i Akcionog plana za provođenje prihvaćenih preporuka za 2024. godinu	6
75. Zaključak o prihvatanju Godišnjeg izvještaja o stanju duga, zaduživanju i datim garancijama za period 01.01-31.12.2025. godinu	7
76. Zaključak o o prihvatanju Izvještaja o ostvarivanju politike jedinice lokalne samouprave i aktivnostima Općinskog načelnika za 2025. godinu	7
77. Zaključak o prihvatanju Izvještaja o radu Općinskog pravobranilaštva za 2025. godinu.....	8
78. Zaključak o prihvatanju Izvještaja o radu sa finansijskim izvještajem za 2025. godinu JU „Kulturno-sportski centar“ Kakanj.....	8
79. Zaključak o davanju saglasnosti na Program rada sa finansijskim planom za 2026. godinu JU „Kulturno-sportski centar“ Kakanj.....	8
80. Zaključak o usvajanju Godišnjeg izvještaja o radu Turističke zajednice Općine Kakanj sa finansijskim izvještajem za period juni-decembar 2025. godinu.....	9
81. Zaključak o usvajanju Programa rada Turističke zajednice Općine Kakanj sa finansijskim planom za 2026. godinu	9
82. Zaključak o primanju k znanju Informacije o radu Udruženja „Razvojni centar općine Kakanj“ za period januar-decembar 2025. godinu.....	10
83. Odluka o davanju odobrenja osnivačima „Udruge dragovoljaca i veterana domovinskog rata HVO-a podružnica Kakanj“ za korištenje naziva općine „Kakanj“	10
84. Protokol o postupanju općinskih organa uprave Općine Kakanj u slučajevima pojave incidenata motivisanih mržnjom	10